



Na osnovu člana 24. Statuta JZU Doma zdravlja "Izudin Mulabećirović-Izo" Tešanj, člana 4. Pravilnika o radu (broj: broj: 01-04-1-1446-7/24/24 od 11.9.2024.godine), člana 4. i 8. Uredbe o postupku prijema u radni odnos u javnom sektoru u Zeničko-dobojskom kantonu (Sl.novine ZDK broj 2/24) i Odluke direktora broj 14-30-2-10/25, Direktor Fežić dr Mersiha, spec.pedijatar, raspisuje:

O G L A S
za prijem u radni odnos

I RADNO MJESTO

1. Doktor medicine u Službi porodične medicine..... 3 izvršioca na određeno vrijeme u trajanju 12 mjeseci
2. Sanitarni inženjer..... 1 izvršilac na određeno vrijeme u trajanju u trajanju 12 mjeseci
3. Medicinska sestra-tehničar u Službi porodične medicine.....3 izvršioca na određeno vrijeme u trajanju 12 mjeseci
4. Medicinski laborant1 izvršilac na neodređeno vrijeme
5. Diplomirani edukator-rehabilitator..... 1 izvršilac na određeno vrijeme u trajanju 6 mjeseci
6. Fakturista..... 1 izvršilac na određeno vrijeme u trajanju 12 mjeseci uz probni rad od 30 dana
7. Spremačica..... 1 izvršilac na određeno vrijeme u trajanju 12 mjeseci

II USLOVI

Kandidati trebaju da ispunjavaju sljedeće :

a.) Opšti uslovi :

Kandidat treba ispunjavati opšte uslove za obavljanje poslova i radnih zadataka kako slijedi:

- da je državljanin BiH,
- da ima opštu zdravstvenu i poslovnu sposobnost,

b.) Posebni uslovi :

Za radno mjesto pod rednim brojem 1. :

Alternativa 1.

- Završen medicinski fakultet
- Položen stručni ispit u zvanju doktor medicine
- Položen specijalistički ispit iz oblasti porodične medicine
- Posjedovanje Licence za samostalan rad u stečenom zvanju doktora spec.

Alternativa 2.

- Završen medicinski fakultet

- Položen stručni ispit u zvanju doktor medicine
- Uvjerenje o dodatnoj edukaciji iz porodične medicine
- Posjedovanje Licence za samostalan rad u stečenom zvanju doktora medicine

Alternativa 3.

- Završen medicinski fakultet
- Položen stručni ispit u zvanju doktor medicine
- Posjedovanje Licence za samostalan rad u stečenom zvanju doktora medicine

Za radno mjesto pod rednim brojem 2. :

- sanitarni inženjer VSS prvi ciklus ili VŠS VI stepen
- položen stručni ispit
- posjedovanje licence za samostalan rad u stečenom zvanju

Za radno mjesto pod rednim brojem 3. :

- Završena medicinska škola opći smjer
- položen stručni ispit
- posjedovanje licence za samostalan rad u stečenom zvanju

Za radno mjesto pod rednim brojem 4. :

- Završena medicinska škola za zvanje medicinski laborant
- položen stručni ispit
- posjedovanje licence za samostalan rad u stečenom zvanju

Za radno mjesto pod rednim brojem 5. :

- Završen edukacijsko-rehabilitacijski fakultet VSS prvi ciklus ili VŠS VI stepen
- Jedna godina radnog iskustva na poslovima u zvanju dipl edukatora-rehabilitatora a koji su isti ili slični poslovima i radnim zadacima u Domu zdravlja.

Za radno mjesto pod rednim brojem 6. :

- Završena SSS IV stepen ekonomskog smjera
- šest mjeseci radnog iskustva na poslovima iz domena knjigovodstvenih poslova

Za radno mjesto pod rednim brojem 7. :

- osnovna škola

III POTREBNA DOKUMENTACIJA

Uz prijavu na ovaj oglas dostaviti slijedeću dokumentaciju:

1. Diploma o stečenom obrazovanju (svi kandidati)
2. Uvjerenje o položenom specijalističkom ispitu (za radno mjesto 1. (alternativa 1.))
3. Uvjerenje o dodatnoj edukaciji iz porodične medicine (za radno mjesto 1. (alternativa 2.))
4. Uvjerenje o položenom stručnom ispitu (za radna mjesta 1.,2.,3. i 4.)
5. licenca za samostalan rad (za radna mjesta 1.,2., 3. i 4.)
6. Potvrda o radnom iskustvu (za radna mjesta 5. i 6.)

7. Izvod iz matične knjige rođenih (svi kandidati)
8. Uvjerenje o državljanstvu (svi kandidati)

Kandidati mogu dostaviti dokaz o statusu branioca ili članova njihovih porodica u smislu člana 2., 3. i 4. Zakona o dopunskim pravima branilaca i članova njihovih porodica (Sl.novine ZDK 1/14), koji je prijavljen na evidenciji Službe za zapošljavanje.

Prijava obavezno mora sadržavati sljedeće elemente: ime i prezime kandidata, adresa, telefon i e-mail adresa, radno mjesto na koje se prijavljuje kandidat, spisak dokumenata koji se prilaže uz prijavu i potpis kandidata. Sva potrebna dokumentacija dostavlja se u **originalu** ili **ovjerena kopija** (dokumenta se ne vraćaju). Kandidati koji budu izabrani, naknadno će dostaviti uvjerenje o zdravstvenoj sposobnosti.

IV KRITERIJI ZA IZBOR KANDIDATA

IV1. Postupak izbora kandidata zasniva se na razmatranju dostavljene dokumentacije i održanom pismenom i usmenom ispitu sa svakim kandidatom, za radna mjesta pod rednim brojem od 1. i 4.)

Postupak izbora kandidata za radno mjesto pod rednim brojem od 2., 3., 4., 5., 6. i 7. zasniva se na intervju sa svakim kandidatom(pitanja iz općeg i stručnog znanja).

IV2 Obavijest o terminima testiranja i intervjua za kandidate dostaviće se putem e-maila, osim za kandidate pod rednim brojem 7. koji će biti obaviješteni putem telefona.

V OPIS POSLOVA I OSNOVNA PLAĆA

V1. porodični doktor

Opis poslova:

Obavlja poslove porodičnog doktora u skladu sa Standardima i normativima u zdravstvu: obavlja ljekarske preglede osiguranika i drugih lica, na osnovu utvrđene dijagnoze propisuje optimalnu terapiju za liječenje bolesti, prati rezultate liječenja bolesnika, obavlja sistematske preglede djece prilikom upisa u predškolske i školske ustanove, vrši zdravstvene usluge male hirurgije u skladu sa svojim stručnim sposobnostima i normativima suvremene medicine, nadzire, dijagnosticira i prati tok trudnoće kao i nadzor nad porođiljom i novorođenčetom, sprovodi mjere imunizacije utvrđene zakonom i drugim propisima prema kalendaru za redovne vakcinacije i vakcinacije po ukazanoj potrebi, vrši stručni nadzor nad radom medicinskog osoblja u timu porodične medicine i druge poslove iz nadležnosti porodičnog doktora

V 2. sanitarni inženjer

Opis poslova:

Obavlja poslove skladu sa Standardima i normativima u zdravstvu: Viši sanitarni tehničar je odgovoran za konkretno sprovođenje mjera na zaštiti stanovništva od akutnih zaraznih bolesti, mjera na planu higijenzacije i asanacije čovjekove okoline i osnovnih ciljeva programa zdravstvenog prosvjećivanja stanovništva. Posebne odgovornosti višeg sanitarnog tehničara su da: sprovodi mjere otkrivanja akutnih zaraznih bolesti, vrši mjere spriječavanja širenja akutnih zaraznih bolesti, sprovodi obaveznu dezinfekciju kod pojave određenih zaraznih bolesti, vrši obaveznu dezinfekciju u žarištima određenih zaraznih bolesti, definisanih programom, učestvuje u sprovođenju vakcinacije prema epidemiološkim i medicinskim indikacijama, vrši potpunu sanaciju endemskih žarišta crijevnih zaraznih bolesti prema utvrđenim programima, realizuje program za eradikaciju ušljivosti prema potrebi na određenim područjima, prijaljuje i registruje sve slučajeve zaraznih bolesti, vrši epidemiološka izviđanja i anketiranja, uzima na pregled uzorke vode, hrane i briseve, vrši konstantno sprovođenje kontrole vodnih objekata, vrši deratizaciju, dezinfekciju i dezinfekciju objekata za čuvanje, preradu i promet životnih namirnica, neposredni učestvuje u izvođenju programa zdravstvenog prosvjećivanja stanovništva, obavlja i druge poslove po nalogu pretpostavljenog.

V 3. medicinska sestra-tehničar u Službi porodične medicine

Kratak opis poslova:

Vrši prijem pacijenata i pregled ispravnosti zdravstvene knjižice, poslove trijaže, odgovara na telefonske

pozive – uređuje termine zakazivanja (daje savjete),uzima sestrinsku anamnezu i evidentira tegobe, evidentirajući sve informacije u karton pacijenta, radi EKG, labo nalaze, kao i druge nalaze prema mogućnosti, vrši neposrednu primjenu ampuliranih lijekova, vrši stručnu primarnu i sekundarnu obradu rana, ispiranje ušiju, klistiranje i kateteriziranje, i dr iz nadležnosti porodične sestre.

V4 medicinski laborant

Opis poslova:

Obavlja stručne poslove u skladu sa stepenom stručne spreme i zvanja po principima moderne medicinske biohemijske djelatnosti, uzima biološki materijal na radnom mjestu i u stanu pacijenta svih populacija, vrši obradu biološkog materijala, vrši hematološke analize, pravi reagense za analize koje radi u saradnji sa specijalistom medicinske biohemije, formira nalaz, vodi zakonom propisanu medicinsku evidenciju, obavlja i druge poslove iz domena stručne spreme.

V5 diplomirani edukator-rehabilitator

Opis poslova:

Vrši prevenciju, rano otkrivanje i evidentiranje, dijagnostiku i tretman djece s intelektualnim teškoćama, motoričkim poremećajima i hroničnim bolestima i oštećenjem vida, primjenjuje vještine u smislu aplikacije stečenih saznanja u unapređenju svih područja razvoja djece s intelektualnim teškoćama, motoričkim poremećajima i hroničnim bolestima i oštećenjem vida; Planira i provodi specijalizirane edukacijsko-rehabilitacijske programe psihomotorne reedukacije sa djecom sa višestrukim smetnjama, poremećajima iz autističkog spektra i poremećajima verbalne i neverbalne komunikacije; Analizira društveni položaj i ostvarivanje prava djece s intelektualnim teškoćama, motoričkim poremećajima i hroničnim bolestima i oštećenjem vida; Provodi primjenu adaptiranih rehabilitacijskih tehnologija u edukaciji i rehabilitaciji; Vrši obuku o načinu korištenja specijalnih pomagala; Obavlja i druge poslove koji po prirodi spadaju u ovu grupu poslova;

V6 fakturista

Opis poslova:

vrši prijem i kontrolu ispravnosti dokumentacije koja čini pravni osnov za fakturisanje izvršenih usluga, vrši obračun troškova u skladu sa Cjenovnikom usluga i pravi fakture na propisanim obrascima, vrši evidentiranje izlaznih faktura i arhiviranje kopija izdatih faktura, evidentira primljene račune u knjigu E-KUF-a uz naznaku dospjeća obaveza, evidentira izdate račune u knjigu E-KIF-a, vrši obračun, prijavu i plaćanje PDV-a, popunjava naloge za prijenos dospjelih obaveza sa računa Doma zdravlja u korist računa povjerioca i vrši ostala plaćanja putem internet bankarstva, stara se o dospelosti obaveza i naplati potraživanja, odgovoran je za formalnu ispravnost likvidiranih dokumenata a materijalno u pogledu naloga za isplatu, kontroliše cesije i kompenzacije, i dr.

V7 spremačica

Opis poslova:

Vrši pripreme za održavanje prostorija koje su joj određene (pribavljanje pribora, metle, četke, kante za vodu, deterdženta i drugo), Vrši čišćenje podova, radnih površina, mokrog čvora i dr. radnih prostorija dva puta dnevno, iznosi otpatke smeća na odgovarajuće mjesto iz prostorija i čisti vanjski prostor ispred ulaza, čišćenje prozorskih stakala i druge stolarije, Prikuplja prljav veš i odvozi ga na pranje u vešeraj, trebuje i donosi čisti veš, kao i druge poslove iz domena higijeničarskih poslova. U toku rada može biti raspoređena i na druge odgovarajuće poslove u zvanju NK radnika (radnica u vešeraju, pralja laboratorijskog posuđa i slični poslovi).

VI POSTUPAK PRIJAVLJIVANJA

Prijave na Oglas sa dokazima o ispunjavanju uslova dostaviti preporučenom pošiljkom ili na protokol Doma zdravlja, u koverti na adresu:

JZU DOM ZDRAVLJA

**”Izudin Mulabećirović-Izo“ Tešanj, ul. Braće Pobrić 17, 74260 Tešanj,
sa naznakom “Prijava na Javni oglas za radno mjesto (navesti redni broj radnog mjesta) – ne otvaraj –
otvara Komisija”**

Prijava treba da je uredna, potpuna i blagovremena.

Urednom prijavom na javni oglas smatra se prijava koja je potpisana od strane podnosioca i sadrži sve obavezne elemente utvrđene ovim oglasom.

Potpunom prijavom smatra se prijava uz koju su dostavljeni svi dokazi o ispunjavanju općih i posebnih uslova naznačenih u javnom oglasu.

Blagovremenom prijavom smatra se prijava koja je podnesena u roku od 8 dana od dana zadnjeg objavljivanja oglasa.

Prijave se dostavljaju u roku od 8 (osam) dana od dana posljednjeg objavljivanja.

Javni oglas biće objavljen u Dnevnom listu „Oslobođenje“, na web stranici JZU Doma zdravlja Tešanj, web stranici Općine Tešanj i web stranici Službe za zapošljavanje ZDK Zenica.

Kontakt telefon za dodatne informacije: 032/650-677, kontakt osoba: Fetić Zlata



DIREKTOR

Fejzić dr. Mersiha
spec. pedijatar